

Kon mamatay ka karong adlawa, segurado ka ba nga malangit ka aron makauban sa Dios hangtud sa kahangturan? Nagduda ka ba o segurado na?

Nasayod ka ba nga makaseguro ka ciento porsento?

Ang Bibliya, ang Pulong gikan sa Dios, nagaingon kanato unsaon aron kita makaseguro:

"Ug mao kini ang pagpamatuod sa Dios: nga kita gihatagan niya ug kinabuhi nga walay kataposan, ug kining kinabuhia anaa sa iyang Anak. Si bisan kinsa nga anaa diha kaniya ang Anak, may kinabuhi nga walay kataposan. Apan kon wala diha kaniya ang Anak sa Dios wala siyay kinabuhi nga walay kataposan." (I Juan 5:11-12)

Dili pinasikad sa relihiyon ang kinabuhing walay kataposan, apan pinasikad kini sa relasiyon kang Jesu-Cristo nga Anak sa Dios.



Nasayod ka ba nga ang langit libreng gasa?



"Kay tungod sa grasya sa Dios naluwas kamo pina gi sa inyong pagtuo kang Jesu-Cristo. Kini gasa gikan sa Dios ug dili pinasikad sa inyong mga binuhatan, busa wala gayoy makapasigarbo." (Efeso 2:8-9)

"Kay ang silot sa sala mao ang kamatayon, apan ang kinabuhi nga walay kataposan mao ang gasa sa Dios sa mga anaa kang Cristo Jesus nga atong Ginoo." (Roma 6:23)

Tungod sa grasya sa Dios, mahatagan ka sa kinabuhing walay katapusan!

Nasayod ka ba nga dili kita takos sa langit?

Makasasala ang tawo tungod sa iyang kinaiya, sa iyang mga pagbuot, ug sa iyang mga binuhatan.

"Ang sala nakasulod sa kalibotan tungod sa paglapas ni Adan sa sugo sa Dios, ug ang iyang sala nagdalag kamatayon. Busa miabot ang kamatayon sa tanang mga tawo, tungod kay ang tanan nakasala man." (Roma 5:12)

Tungod sa sala walay tawo nga takos sa langit.

"Kay ang tanang mga tawo nagpaka ala ug dili takos atubangan sa Dios." (Roma 3:23)




Nasayod ka ba nga ang sala adunay silot?

Ang sala may duha ka silot:

Kamatayon sa lawas (Pakigbulag gikan sa katawhan) "Kay ang silot sa sala mao ang kamatayon..." (Roma 6:23)

Kamatayon sa espiritu (Pakigbulag gikan sa Dios)
"Human niini, ang kamatayon mismo ug ang dapit sa
mga patay gitambog ngadto sa linaw nga kalayo... Mao
kini ang ginatawag nga ikaduhang kamatayon."
(Gipadayag 20:14)





Nasayod ka ba nga gibayran na ni Jesu-Cristo ang silot alang sa atong mga sala?

"Kay si Cristo gani gipatay bisan wala siya makabuhat ug daotan. Ug kausa lang siya namatay aron mapasaylo ang atong mga sala. Siya nga walay sala gipatay alang kanato nga mga makasasala aron madala niya kita sa Dios. Tinuod gipatay siya sa iyang lawasnon nga kahimtang, apan gibuhi siya sa espirituhanon nga kahimtang."
(I Pedro 3:18)

PAHINUMDUM: Nagdumot ang Dios sa sala, pero nahigugma siya sa mga makasasala!

"Apan si Cristo namatay alang kanato bisan pa ug makasasala kita. Sa ingon niini nga pamaagi, gipakita sa Dios ang iyang paghigugma kanato." (Roma 5:8)

Nasayod ka ba nga kon mosalig ka niining mga mosunod, dili gyud ka makasulod sa gingharian sa Dios?

- Kalawat
- Pangaliya
- Pamyembro sa simbahan
- Pangompisal
- Kaugalingong pagsakripisyo

- Kumpermasyon
- Bunyag
- Maayong buhat
- Pagkamahinatagon
- Pagsimba sa mga rebulto

Si Jesus mitubag: "Ako ang dalan, ang kamatuoran, ug ang kinabuhi. Walay makaadto sa Amahan kondili moagi kanako." (Juan 14:6)

"Kita Iyang giluwas dili tungod sa bisan unsang maayo nga atong mabuhat, kondili tungod sa Iyang kaluoy pinaagi sa paghugas nga gihimo sa Espiritu Santo aron kita makabaton og bag-ong kinabuhi." (Tito 3:5)



Nasayod ka ba nga si Jesu-Cristo lamang ang dalan padulong sa langit?

"Tingali naghunahuna ka nga nagsubay ka sa ensaktong dalan, apan padulong diay kini sa kalaglagan." (Panultihon 14:12)

Gisaligan sa mga tawo ang daghang mga dalan, apan usa ra ka dalan nagpadulong sa langit!



"Sulod kamo sa sigpit nga ganghaan kay lapad ang pultahan ug sayon ang dalan paingon sa impiyerno og kini ang gisubay sa kadaghanan. Apan masigpit ang ganghaan ug malisud ang dalan paingon sa kinabuhing dayon ug diyotay ra ana makakaplaa niini." (Mateo 7:13-14)

Nasayod ka ba nga kinahanglan maghinulsol ka sa imong mga sala?

"Hinuon, sultihan ko kamo nga kon dili kamo maghinulsol ug motalikod sa inyong mga sala, kamong tanan mangamatay usah" (Lucas 13:3)



Ang kahulogan sa paghinulsol mao ang:

- * Kasub-anan tungod sa imong mga sala
- * Kausaban sa imong panghunahuna
- * Pagtalikod gikan sa imong sala ngadto sa Dios

Nasayod ka ba nga kinahanglan dawaton nimo si Jesu-Cristo pinaagi sa pagsalig kaniya?

"Apan si bisan kinsa nga midawat ug mituo kaniya gihatagan niya ug katungod nga mahimong anak sa Dios." (Juan 1:12)

Ang tinuod nga pagtuo modawat pud sa Ginoo!

"Ang nagatuo sa Anak sa Dios nagatuo sa pagpamatuod sa Dios. Apan ang wala motuo sa pagpamatuod sa Dios, gihimo niya ang Dios nga bakakon, kay wala siya motuo sa pagpamatuod sa Dios bahin sa iyang anak. (I Juan 5:10)

Kulang ang pagkahibalo lang mahitongud kang Jesu-Cristo. Kinahanglan dawaton nimo Siya karon sa imong kasingkasing pinaagi sa pagtuo!

Ang pagtuo nga makaluwas nagadawat pud kang Jesus nga atong gituohan!



Nasayod ka ba nga luwason ka ni Jesu-Cristo? Kon...

"Kon isugilon mo nga si Jesus mao ang Ginoo ug nagatuo ka sa kinasingkasing nga gibanhaw siya sa Dios gikan sa kamatayon, maluwas ka. Kay ang tawo pakamatarungon sa Dios kon motuo siya sa kinasingkasing. Ug kon mosugilon siya sa iyang pagtuo, maluwas siya. Kay nagaingon ang Kasulatan, 'Si bisan kinsa ngamodangop sa Ginoo maluwas."" (Roma 10:9-10)

Pagampo sama niining pagampo-a:

"Amahan nga Langitnon, nahibalo ko nga nakasala ako ug nawala. Angayan lang ko sa impiyerno ug wala koʻy mahimo aron maluwas ko sa akong kaugalingon. Naghinulsol ko sa akong mga sala ug nagtuo ko nga naganhi si Jesu-Cristo ingon tawo, namatay siya sa krus, ug niagas ang iyang dugo, ug nabanhaw siya gikan sa kamatayon sa ikatulong adlaw aron mapasaylo ang akong mga sala. Pinaagi sa pagtuo, mosalig ko kaniya ug sa iyang gibuhat alang kanako sa krus, ug dawaton nako siya isip akong Ginoo ug Manluluwas, nga maoy lamang ang agianan sa langit. Siya lamang ang makahatag sa libreng gasa sa kinabuhi nga walay kataposan. **Salamat, sa ngalan ni Jesus nagampo ko, AMEN**

SPIRITUAL BIRTH CERTIFICATE

Sumala sa Kasulatan, "Ang tanan nga magsangpit sa ngalan sa Ginoo maluwas." (Roma 10:13)

Nahibalo ko nga nakasala ko, ug nga nagkinahanglan ko sa Ginoong Jesu-Cristo isip akong manluluwas. Motalikud ko gikan sa akong mga sala, ug mosalig ko Kaniya alang sa akong kinabuhi nga walay kataposan.

Itugyan na nako ang pagmando sa akong kinabuhi ngadto kang Jesu-Cristo. Gikan karon ug pinaagi sa kusog nga Iyang ihatag kanako, maningkamot ko sa pagsalig ug pagtuman Kaniya sa tanang bahin sa akong kinabuhi.

Ngalan:	Petsa:	

Isip sa usa ka bagong Cristohanon...

1.) Isugilon si Jesu-Cristo ngadto sa ubang mga tawo.
(Mateo 10:32.33)

2.) Tumanon ang sugo ni Cristo nga bautismhan ang motuo kaniya.
(Mateo 28:19.20)

3.) Pangitaon usa ka simbahan nga nagatudlo sa Bibliya asa makasimba ka sa Dios sa espiritu ug sa kamatuoran, ug makiguban sa mga Cristohanon.

(Buhat 2:41,42; Hebreo 10:25)



Kon nagatuo ka niining mensahe, o kon may pangutana pa, o kong interesado sa pagtuon sa Bibliya, kontak kanamo.

Pangalan sa simbahan:

Contact person:

Email:

Cell phone #:

Minahal nga Magbabasa,

Posible and labing importantend takna sa imong kinabuhi mao kining pipila ka minutos nga gamiton nimo sa pagbasa niining basahon. Nagdako ko sa usa ka pamiliya nga aktibo kaayo sa simbahan. Pero niadtong namatay ang usa ka miembro sa among pamiliya, walay naseguro nga tua siya sa langit. Nangita ko sa kamatuoran sulod sa daghang mga tuig hangtud nakaila ko'g tawo nga nabalaka sa akong kalag. Gipakita ko niya gikan sa Bibliya unsaon dawaton nako ang libreng gasa sa kinabuhing walay kataposan pinaagi lamang kang Jesu-Cristo. Sukad niadto, naa na ko'y personal nga relasiyon kang Jesus, ang pinakamahal nga tawo sa tibuok kalibutan. Segurado na ko nga kung mamatay ko bisan karong adlawa, malangit ko hangtud sa kahangturan! Hinaut unta nga dawaton nimo si Jesus karong adlawa aron makitat kita unya sa Langit!

Kontaka kami:

Answers4eternity.com
Answers4eternity@gmail.com

Tan-awa ang ubang mga sites:

www.fallingplates.com www.fathersloveletter.com

